



16 OCT, 2020

MUDA bantu atasi masalah lambakan sayur di Kundasang

Utusan Borneo Sabah, Malaysia

Page 1 of 2



MUDA: Shahrizal (tengah) bersama ahli MUDA yang lain membantu menghantar bekalan sayur-sayuran dari Kundasang.

MUDA bantu atasi masalah lambakan sayur di Kundasang

RANAU: Petani dan peruncit sekitar Kundasang yang berdepan dengan masalah lambakan sayur-sayuran yang tidak terjual berikutan larangan rentas daerah kini dibantu Parti Iktian Demokratik Malaysia (MUDA).

Pihak berkenaan membantu menyediakan perkhidmatan logistik untuk menghantar sayur-sayuran daripada pengusaha di daerah ini khususnya dari Kundasang.

Salah seorang Pengasas MUDA Shahrizal Denci berkata, proses penghantaran sayur-sayuran ke Kota Kinabalu dijalankan bermula 13 Oktober lepas.

Katanya, biarpun sumber agak terhad, namun mereka cuba membantu seramai yang boleh dalam kalangan petani, pekebun kecil dan peruncit.

"Hari ini, kami menggunakan dua pacuan empat roda dan sebuah lori tiga tan bagi menghantar sayur-sayuran ke Kota Kinabalu.

"Jika tidak bertindak cepat, sayur-sayuran yang dikeluarkan oleh petani dan peruncit di Kundasang akan berdepan dengan lambakan dan mengalami kerrosakan.

"Pemborong sayur-sayuran diarahkan menjalani kuarantin kendiri susulan ada kontak dengan pelanggan yang positif. Justeru, petani tidak dapat menjual hasil tanaman kepada pemborong," katanya ketika



BANTU: Ahli MUDA yang turut sama membantu petani dan peruncit sayur-sayuran di Kundasang.

dihubungi di sini.

Dalam pada itu jelasnya, peruncit pula tidak dapat menjual sayur-sayuran kerana tiada pelanggan luar dibekalkan merentas daerah.

Menurutnya, peruncit memperoleh pendapatan harian dan sekiranya tiada pembeli, tiada pendapatan mereka.

"Jika keadaan ini tidak ditangani dengan baik, lambakan akan berlaku. Petani dan peruncit akan terus berdepan kesukaran memperoleh pendapatan."

"Setakat ini, MUDA akan cuba melakukan proses penghantaran sayur-sayuran ini dua kali dalam tempoh seminggu. Penghantaran ini akan diteruskan sehingga keadaan pulih seperti sediakala," katanya.

Beliau berkata, kebanyakannya peruncit mempunyai jaringan pasaran di Kota

Kinabalu. Justeru, MUDA hanya bertindak sebagai penyedia khidmat logistik untuk membawa bekalan sayur-sayuran ke pusat bandar raya.

Katanya, penghantaran berkenaan boleh dilakukan dengan adanya surat kebenaran merentas daerah daripada Jabatan Pertanian Negeri Sabah.

Selain itu jelasnya, Lembaga Pemasaran Pertanian Persekutuan (FAMA) juga membenarkan pengusaha sayuran menggunakan kemudahan pasar FAMA di Kota Kinabalu sekiranya pengeluaran sayur-sayuran di Kundasang terlalu banyak.

Shahrizal berkata, kebanyakannya menggunakan pasar FAMA itu sudah diberikan sejak Perintah Kawalan Pergerakan (PKP) pada Mac lalu dan ia diteruskan pada masa ini.



16 OCT, 2020

MUDA bantu atasi masalah lambakan sayur di Kundasang

Utusan Borneo Sabah, Malaysia

Page 2 of 2

SUMMARIES

MUDA: Shahrizal (tengah) bersama ahli MUDA yang lain membantu menghantar bekalan sayursayuran dari Kundasang.

RANAU: Petani dan peruncit sekitar Kundasang yang berdepan dengan masalah lambakan sayur-sayuran yang tidak terjual berikutan larangan rentas daerah kini dibantu Parti Ikatan Demokratik Malaysia (MUDA). Pihak berkenaan membantu menyediakan perkhidmatan logistik untuk menghantar sayur-sayuran daripada pengusaha di daerah ini khususnya dari Kundasang. Salah seorang Pengasas MUDA Shahrizal Denci berkata, proses penghantaran sayur-sayuran ke Kota Kinabalu dijalankan bermula 13 Oktober lepas.